



ს ა ქ ა რ თ ვ ე ლ ო

საქართველოს ადმინისტრაციულ-ტერიტორიულ ერთეულებში
(აბაშის, ზუგდიდის, მარტვილის, მესტიის, სენაკის, ჩხოროწყუს, წალენჯიხის,
ხოზის მუნიციპალიტეტებსა და ქალაქ ფოთის მუნიციპალიტეტში)

სახელმწიფო რწმუნებულის გ ა ნ კ ა რ გ უ ლ ე ბ ა

N 54
20/07/2021

54-01-4-202107201233



სახელმწიფო რწმუნებულის პირველი მოადგილისა და მოადგილეების უფლება- მოვალეობებისა და საქმიანობის წესის განსაზღვრის შესახებ

საქართველოს კანონის „საქართველოს ზოგადი ადმინისტრაციული კოდექსი“ 52-ე, 53-ე და 61-ე მუხლების, „საქართველოს მთავრობის სტრუქტურის, უფლებამოსილებისა და საქმიანობის წესის შესახებ“ საქართველოს კანონის 27³ მუხლის შესაბამისად და „სახელმწიფო რწმუნებულის დებულების დამტკიცების შესახებ“ საქართველოს მთავრობის 2013 წლის 29 ნოემბრის №308 დადგენილების პირველი მუხლით დამტკიცებული დებულების მე-5 მუხლის „ფ“ პუნქტის, მე-6 და მე-7 მუხლების საფუძველზე:

1. სახელმწიფო რწმუნებულის პირველ მოადგილესა და მოადგილეებს შორის გადანაწილდეს უფლება-მოვალეობები, განისაზღვროს საქმიანობის წესი და დელეგირების საფუძველზე, სახელმწიფო რწმუნებულის უფლებამოსილებას მიკუთვნებული დარგების მიხედვით დაეკისროთ კურატორობა შემდეგი სტრუქტურული ერთეულების (შემდგომში - სამსახურები) მიხედვით:

ა) სახელმწიფო რწმუნებულის პირველი მოადგილე - ნინო ვიბლიანი:

ა.ა) სახელმწიფო რწმუნებულის არყოფნისას კოორდინაციას უწევს და ხელმძღვანელობს ადმინისტრაციის სტრუქტურული ერთეულების საქმიანობას;
ა.ბ) ხელს აწერს სახელმწიფო რწმუნებულის ადმინისტრაციის სახელით „სახელმწიფო შესყიდვების შესახებ“ საქართველოს კანონის შესაბამისად გასაფორმებელ ხელშეკრულებებს, აგრეთვე ხელშეკრულებებს, რომლებზეც არ ვრცელდება აღნიშნული კანონის მოქმედება და სხვადასხვა ფინანსურ და სამეურნეო საკითხებთან დაკავშირებულ დოკუმენტებს.

ბ) სახელმწიფო რწმუნებულის მოადგილე - დავით კუხალიაშვილი:

ბ.ა) კოორდინაციას უწევს სახელმწიფო რწმუნებულის აპარატის საქმიანობას;

ბ.ბ) დელეგირების საფუძველზე ახორციელებს კოორდინაციას და კონტროლს შესაბამისი ადმინისტრაციულ-ტერიტორიული ერთეულების ტერიტორიაზე საქართველოს საკანონმდებლო და კანონქვემდებარე ნორმატიული აქტების აღსრულებას.

გ) სახელმწიფო რწმუნებულის მოადგილე - დავით ვერავა:

გ.ა) კოორდინაციას უწევს ადგილობრივი თვითმმართველობის ორგანოებთან ურთიერთობის სამსახურის საქმიანობას;

გ.ბ) დელეგირების საფუძველზე:

გ.ა.ა) კომპეტენციის ფარგლებში უზრუნველყოფს საქართველოს მთავრობისა და სახელმწიფო უწყებების ურთიერთობას ადგილობრივი თვითმმართველობის ორგანოებთან;

გ.ბ.ბ) ახორციელებს სახელმწიფო ზედამხედველობას და მონიტორინგს ადმინისტრაციულ-ტერიტორიული ერთეულების ტერიტორიაზე „სამხედრო ვალდებულებისა და სამხედრო სამსახურის შესახებ“ და „სამხედრო სარეზერვო სამსახურის შესახებ“ საქართველოს კანონების შესაბამისად გასატარებელ ღონისძიებებს.

დ) სახელმწიფო რწმუნებულის მოადგილე - ლუდუკი ხასია:

დ.ა) კოორდინაციას უწევს რეგიონული პროექტების კოორდინირების სამსახურის საქმიანობას;

დ.ბ) დელეგირების საფუძველზე, საქართველოს მთავრობის დავალებით, კოორდინაციას უწევს რეგიონული პოლიტიკის განხორციელებასა და ადგილობრივი თვითმმართველობის რეფორმის ცალკეულ ღონისძიებებს.

- ამ განკარგულების პირველი პუნქტის „ბ.ა“, „გ.ა“ და „დ.ა“ ქვეპუნქტებში მითითებული სამსახურების უფლებამოსილებას მიკუთვნებულ საკითხებთან დაკავშირებით შემოსული კორესპონდენციის შემდგომი ან/და ხელახალი განხილვისთვის დავალებების გადაცემა (კორესპონდენციის გადაცემა/ხელახალი გადამისამართება შესაბამისი რეზოლუციით) აპარატისთვის ხორციელდება სამსახურების კურატორი მოადგილეების მეშვეობით.
- დაევალოთ სახელმწიფო რწმუნებულის მოადგილეებს, ამ განკარგულებით მათთვის მიკუთვნებული სამსახურების საქმიანობაზე უშუალო ზედამხედველობა და ამ სამსახურების უფლებამოსილებას მიკუთვნებულ საკითხებთან დაკავშირებით სახელმწიფო რწმუნებულის დავალებების შესრულების ორგანიზება და კონტროლი.
- სახელმწიფო რწმუნებულის აპარატმა უზრუნველყოს ამ განკარგულების სახელმწიფო რწმუნებულის მოადგილეებისთვის გაცნობა.
- კონტროლს განკარგულების შესრულებაზე განვახორციელებ პირადად.
- ამ განკარგულების მიღების დღიდან ძალადაკარგულად ჩაითვალოს „სახელმწიფო რწმუნებულის პირველი მოადგილისა და მოადგილეების უფლება-მოვალეობებისა და საქმიანობის წესის განსაზღვრის შესახებ“ სახელმწიფო რწმუნებულის 2021 წლის 27 აპრილის №24 განკარგულება.

7. განკარგულება ამოქმედდეს ხელმოწერისთანავე.

8. განკარგულება შეიძლება გასაჩივრდეს მისი კანონმდებლობით გათვალისწინებული წესით გაცნობის დღიდან ერთი თვის ვადაში, ზუგდიდის რაიონულ სასამართლოში (მის.: ქ. ზუგდიდი, რ. ლალიძის ქ. №12).

გიორგი გუგუჩია



სახელმწიფო რწმუნებული



საქართველოს ადმინისტრაციულ-ტერიტორიულ ერთეულებში (აბაშის, ზუგდიდის, მარტვილის, მესტიის, სენაკის, ჩხოროწყუს, წალენჯიხის, ხობის მუნიციპალიტეტებისა და ქალაქ ფოთის მუნიციპალიტეტში)
სახელმწიფო რწმუნებულის ადმინისტრაცია